





古之聖人開天首出作民君師莫不有顯謨大  
訓以詔當時而垂萬世天下之人是訓是行世  
世奉之而無替此文志所由傳歟棲數經兵火  
名山柱下不可得而考已而

王言秩秩炳若日星讀

誥命典籍諸篇如見風示天下之意焉曰碑日記以  
傳政也曰銘曰賦以載道也而敘述芳踪闡揚  
正氣尤關係之大者乎他如文江列陣學海抽  
思指點日遊山水獲申於知己長歌短詠煙霞

受制於文人或以人傳或以地記以見文明之  
世化洽海邦而百里微封亦彬彬稱文物之鄉  
也志藝文一卷

誥贈大同府同知林恂父母文

弘治年月日勅曰人子報親之志莫大於顯揚朝廷待士之恩莫重於褒錫此古今之通制豈存歿之殊科爾林茂乃山西大同府同知恂之父郡邑遺才詩書舊族居鄉樂善素敦仁厚之風教子成名克著勤勞之績祿養旣違於三釜褒章宜賁於九原茲特贈爲奉政大夫山西大同府同知霸爽有知歆承無斁勅曰毋德之成義實兼乎教育國恩之錫禮特重於褒封肆緣報德之情誕示追崇之命爾紀氏乃山西

大同府同知林恂之母儉勤成性慈孝爲家飭閭範以相夫佐義方以訓子碩鼎釜之養弗逮而風木之感彌深爰體孝思用申褒卹茲特贈爲宜人懿孺不昧服此明恩

誥封大同府同知林恂及妻文

弘治年月日勅曰親民之政非按部莫能詳錫命之榮在司封爲甚重蓋法有定制而恩有特施凡沾旌異之名必在褒嘉之列願明揚於已試實示勸於將來爾山西大同府同知林恂一登鄉薦兩佐侯邦愛民存愷悌之心處已勵清勤之節賢勞旣積薦剡交騰可無寵名以示褒勸茲特進爾階奉政大夫錫之誥命於戲愛民先於獲上已徵名績之良善始貴乎保終庶竭猷爲之益訓辭具在尚克祗承欽哉

勅曰夫婦之際風化所先君臣之間恩禮攸在凡爲  
伉儷必與褒封爾山西大同府同知林恂妻子氏出  
自名門嬪於儒族儉勤自勵克供饋祀之儀儆戒相  
成不廢詩書之訓爰因夫貴用示國恩茲特封爲宜  
人尚敦祇慎之風益迓嘉祥之至

誥贈宜陽縣知縣牟道行父母文

萬曆年月日勅曰士方心質行表於鄉閭詎意廟堂  
之寵數哉乃闕德在身天錫厥緒有子起爲名宰因  
以聲施於朝不可謂非挹注之效焉爾牟時俊乃河  
南河南府宜陽縣知縣道行之父在髫髻能立式穀有  
聞漏禾弓旌願罔酌於操瑟怡情泉石  
■ 獲於  
■ 鄉高市義之風庭豫傳經之訓雲祚衍慶月旦流  
徽是用贈爾爲文林郎河南河南府宜陽縣知縣誕  
布楓宸之命永增松嶠之輝

勅曰靡依非毋人情所同比及縮綬之榮弗遠迎與  
之養朕甚悼之不有明綸曷光宿草爾魯氏乃河南  
河南府宜陽縣知縣牟道行之毋柔儀亮肅令德友  
恭夙諧豹隱之賢席珍著譽誕啟鵬騫之嗣製錦肇  
成栢捲之澤猶存機柏之規已邈茲用贈爾爲孺人  
用表懿靈永綏率號

誥封宜陽縣知縣牟道行及妻文

萬曆年月日勅曰董子有言守令民之師帥所以承  
流而宣化者也朕瑩精忝寧每慎茲選有能誦爾絲  
先保障此其孳孳拊摩心亦勞苦璽旌豈有靳焉爾

河南河南府宜陽縣知縣

牟道行  
妻馬氏

端醇器宇敏練猷

爲擢穎公車分符壯邑而爾廉明集事豈第宜民孳  
畫運而成風日無盤錯循良奏而計日戶有陽春令  
長吏咸若茲海內豈不清和奏厥理哉所司以績來  
上特授爾階文林郎錫之勅命夫茲邑爲召伯聽訟

之所其棠之蔭未徙民生安業有古俗化得賢有司  
從而訓定之以登邳理何有哉益篤初忱朕且有  
不次之擢

勅曰吏能奉職俾四封之內安其室家而無愁嘆之  
聲推其闡政必有琴瑟靜好之助矣爾河南河南府  
宜陽縣知縣妻馬氏圖史遵箴珞璜比德紉椒蘭而  
合義燕婉成儀躬養縞以匡廉鷄鳴效倣爾夫最績  
升聞爾固左右之是用封爾爲孺人緘開泥紫之華  
皎映丹霞之色

誥贈四川道監察御史郝晉父母文

崇禎九年月日勅曰漢卓茂小宰耳建元之際首被  
殊封曰名冠天下當受天下重賞夫道止其身而報  
若是矧夫教誨爾子式穀似之者歟爾原任直隸真  
定府無極縣知縣贈文林郎郝守栻乃四川道監察  
御史晉之父東海醇儒恒山隱令孝悌通神明之德  
生平以繩尺自閑爾其敏奏牛軋清徵馬骨愛人學  
道身有魯中牟之風將毋棄官品越陶彭澤而上祥  
鍾令子秩畀中臺知縣譜之家爲珍信直聲本自庭授

矣司封條上覽德慨然是用仍贈爾爲文林郎加四  
川道監察御史彌章厥考構堂之心斯知世臣喬木  
之謂

勅曰晉郝夫人治家最有法東海門風咸取則焉  
史稱其高朗英邁毋儀冠族至以鍾郝並傳不圖百  
世後有續其盛事者是可嘉也爾封太儒人王氏乃  
四川道監察御史郝晉之母鍾鼎名門蘋蘩淑度終  
溫且惠百年端淑慎之儀寶儉與慈三黨頌睦嫻之  
美高堂實資其孝養再世咸倚爲清修今其表近耄

齡動遵古法時御筵而賓王母或含飴以弄曾孫允  
矣禮宗昭哉內則是用仍封爾爲太孺人尚膺朱綬  
方來之寵永祝黃耇無疆之年

誥封四川道監察御史郝晉及妻文

崇禎九年月日勅曰聞昔唐虞神羊在囿屈軼生階  
指佞觸邪稱上瑞已蓋一時岳牧諸臣濟濟朝端而  
露靈動植神遊其際不勝衆正之思焉柱後惠文安  
得不重若選也爾四川道監察御史郝晉風規峻整  
志節清嚴擢自花封躋於栢院水流巴宇舊傳循令  
之聲霜凜杵章高作諍臣之氣側陞則峩冠慷慨登  
車能攬轡澄清擬諸昔賢兼有其美若乃西城廉剛  
之譽左藏釐剔之能益徵爾之屢試輒效者矣是用

仍授爾階文林郎錫之勅命朕虛懷止輦不忘從繩  
每觀晉傳咸有云安有恹恹忠益反見怨嫉者宋臣  
韓稚圭亦曰諫主於理勝而以致誠將之朕深賞爲  
臣鵠且爾嗣將以繡衣持斧行矣爾雅意本朝白馬  
生當復諫乎

勅曰語不云乎雖有絲麻無棄菅蒯况夫糟糠貧賤  
之交而同負戴不同徽佩也拾芳宿草抱惋遺桂朕  
爲爾臺臣念之已爾四川道監察御史郝晉妻贈孺  
人李氏湛精圖史稟訓矜褊子舍羹湯三日已諳食

性深閨刀尺永夜未輟機聲曾靜好之幾時忽音容  
其俱杳著簪已矣空餘琴瑟之心環佩珊然尚想河  
山之慶莫酌夙勤宜煥明綸是用仍贈爾爲孺人道  
或有待於後光榮固無殊夫身受

勅曰孟光之賢不獨舉案觀其佐梁鴻爲噫雉之歌  
諷切時事意固已遠矣昔鯁直臣徃徃得內助力居  
多而我臺班中乃亦有以是顯者爾四川道監察御  
史郝晉繼妻封孺人董氏嗣厥徽音休有令範蚤伴  
西川之鳧影綦稿自如嗣聞北關之鳥聲庭屏無改

俾慈姑稱為得婦而良史賴以宜家玉滿階前念嗷  
嗷為膏之德光生柱後觀行行且止之風綠爾弼成  
光余寵命是用仍封爾為孺人尚資羔素彌傲燕私

誥封兵部職方清吏司督捕主事李唐裔父母

文

奉

天承運

皇帝制曰興孝維君錫類弘昭報本教忠自父服官  
敬用承家爾封文林郎陝西平涼府推官李東  
儒乃兵部職方清吏司督捕主事加一級李唐  
裔之父道在禋躬爰被絲綸之重志存作室式  
弘堂構之遺茲以覃恩封爾為奉直大夫兵部

職方清吏司督捕主事加一級錫之誥命於戲  
恩逮所生彌表象賢之美風茲有位尚敦燕翼  
之謀

制曰疏恩將毋弘推錫類之仁移孝作忠均切顯揚  
之念爾兵部職方清吏司督捕主事加一級李  
唐裔毋贈孺人林氏愛子能勞篤義方於杆軸  
相夫克順端令範於閨闈茲以覃恩贈爾爲宜  
人於戲象服昭榮聿荷廷綸之寵熊丸遺教永  
流泉壤之輝

順治十四年三月初十日

誥封兵部職方清吏司督捕主事加一級李唐  
齋及妻文

奉

天承運

皇帝制曰國家推恩而錫類臣子懋德以圖功懿典  
攸存忱恂宜勗爾兵部職方清吏司督捕主事  
加一級李唐齋持躬克謹蒞事惟虔奉職兵曹  
小心克昭於夙夜分猷樞部勞勩允著於官方  
欣逢慶典宜賁新綸茲以覃恩特授爾階奉直

大夫錫之誥命於戲式弘車服之庸用勵顯揚  
之志尚欽榮命益矢嘉猷

制曰靖共爾位良臣旣効其勤黽勉同心淑女宜從  
其貴爾兵部職方清吏司督捕主事加一級李  
唐裔妻贈孺人張氏克嫻內則能貞順以宜家  
載考國常應褒嘉以錫寵茲以覃恩贈爾爲宜  
人於戲敬爲德聚實加儆戒以相成恩與義均  
豈以存亡而異視

順治十四年三月初十日

誥贈福建布政使司右布政使于際清祖父母

文

奉

天承運

皇帝制曰息彰下逮勉篤業於羣察家有貽謀本恩  
勤於大父用溯源流之自爰推綸綍之榮爾于  
才美乃福建布政使司右布政使于際清之祖  
父植德不替佑啟後人綿及乃孫丕彰鴻緒休  
貽大父聿觀世澤茲以覃恩贈爾爲通奉大夫

福建布政使司右布政使錫之誥命於戲垂裕  
孫謀已沐優渥之典崇褒祖德用邀錫類之仁  
貽厥奕祚佩此新綸

制曰一代褒功勸酌示後再世承恩崇獎及先績既  
懋於公家寵宜追於王母爾福建布政使司右  
布政使于際清祖母唐氏爾有慈謀裕及後昆  
念茲稱職端由壺教爰錫褒儀之貴用昭種德  
之勤茲以覃恩贈爾爲夫人於戲迥其家法愛  
勞旣殫先圖賁乃國章昌融益開來緒永期丕

贊用席隆庠

制曰名世造開率儲祥於內則國恩逮逮必兼沛於  
重闈報稱匪私彝章具在爾福建布政使司右  
布政使于際清繼祖母劉氏妣續相承後先並  
濟重闈之燕貽有本孫謀之龍被宜崇嘉爾徽  
音並頒殊渥茲以覃恩贈爾爲夫人於戲宜室  
承家爾克端於垂裕貽孫教子朕何靳於䟽榮  
寵授方新前徽彌著

順治十八年正月初九日

詔贈福建布政使司右布政使于際清父母文  
奉

天承運

皇帝制曰揚名顯親爲子者願以令德歸之父考績  
褒賢教孝者宜以高爵作之忠是用推恩特申  
休命爾贈中憲大夫山東濟南府知府于瀛乃  
福建布政使司右布政使于際清之父義方有  
訓式穀無慚念爾嗣之勤勞旣克家而報國俾  
爾澤之昌大爰錫類以昭仁茲以覃恩贈爾爲

通奉大夫福建布政使司右布政使錫之誥命  
於戲教誨爾子永勿忘於家聲幸修厥德尚無  
負於國恩欽承寵命慰爾幽靈

制曰國體勞臣必溯源而沛澤家崇詰胤爰歸善於  
厥生盛典維新壹儀愈著爾福建布政使司右  
布政使于際清毋封太恭人張氏幃範克端胎  
教居身教之先慈訓惟勤能愛在能勞之後宜  
沛施封用昭毋德茲以覃恩贈爾爲夫人於戲  
子情罔極感顧復而敦孝國綸普被念勛勞以

疏榮嘉乃恩勤褒其遺範

順治十八年正月初九日

誥封福建布政使司右布政使于際清及妻文  
奉

天承運

皇帝制曰褒忠表義昭代之良規崇德報功聖王之  
令典特頒恩命以獎勤勞爾福建布政使司右  
布政使于際清才識博通性資醇謹服官有素  
崇職濟加俾掌藩司小心彌勵宣勞罔懈夙夜  
克矢乎恪共奉職無愆官守益彰夫清慎欣逢  
慶典宜沛新恩茲以覃恩特授爾階通奉大夫

錫之誥命於戲思推自近乃弘獎夫崇階業廣  
惟勤尚克承夫寵錫欽予時命勵爾嘉猷

制曰夙夜惟勤人臣寧遑內顧伉儷無忝國常豈靳  
隆施錫章服以酌勛念壺儀之媲美爾福建布  
政使司右布政使于際清妻封恭人朱氏克勤  
內德宜爾室家眷良臣靖共之猷賴淑女匡襄  
之助爰褒令範式沛新綸茲以覃恩封爾爲夫  
人於戲敬爾有官肅閨門而合好職思其內尚  
黽勉以同心祇服殊恩用昭壺德

順治十八年正月初九日

誥贈江南常州府通判張震父母文

奉

天承運

皇帝制曰資父事君臣子篤匪躬之誼作忠以孝國  
家弘錫類之恩爾張四教乃常州府通判張震  
之父善積於身祥開厥後教子著義方之訓傳  
家裕堂構之遺茲以覃恩贈爾爲承德郎江南  
常州府通判錫之勅命於戲殊榮必逮於所親  
寵命用光夫有子承茲優渥永茂忠勤

制曰奉職在公嘉教勞之有自推恩將毋宜錫典之  
攸隆爾江南常州府通判張震前毋李氏壺範  
宜家夙協承筐之媿毋儀詒穀載昭畫荻之芳  
茲以覃恩贈爾爲安人於戲彰淑德於不瑕式  
榮象服膺寵命之有赫永賁泉壚

制曰忠以孝成臣子篤顯揚之志毋從子貴朝廷弘  
不匱之恩爾江南常州府通判張震生毋譚氏  
柔協女箴勤襄內治茂啟徵蘭之兆善承畫荻  
之勞茲以覃恩贈爾爲安人於戲象服煌煌酌  
勤思於五夜龍章奕奕永休譽於重泉

順治十八年正月初九日

誥封江南常州府通判張震及妻文

奉

天承運

皇帝制曰錫類推恩朝廷之大典分猷亮采臣子之  
常經爾江南常州府通判張震才堪効用力可  
宣猷庶事咸賴以馳驅小心克彰於夙夜慶典  
欣逢新綸用賁茲以覃恩授爾為承德郎錫之  
勅命於戲弘敷章服之榮用勵靖共之誼欽茲  
寵命懋乃嘉猷

制曰恪共奉職良臣旣殫厥心貞順宜家淑女爰從  
其貴爾江南常州府通判張震妻郝氏含章協  
德令儀夙著於閨闈黽勉同心內治相成於夙  
夜茲以覃恩贈爾爲安人於戲龍章載煥用褒  
敬戒之勤翟茀欽承永作泉原之賁

制曰臣子敦服勞之誼典旣䟽榮女士嗣淑慎之徽  
恩宜並茂爾江南常州府通判張震繼妻于氏  
素嫻內則動協女箴相夫載著勤勞宜家克彰  
令譽茲以覃恩封爾爲安人於戲蘋蘩繼熾式

揚彤管之輝綸綽同褒勉贊素絲之德

順治十八年正月初九日

典籍

明

聖諭一本

大誥一本

勅諭一本

勸善書二部十九本

御製詩一本

五倫書六十二本

律書一本

孝順事實二部六本

為善陰騰書五本

儀禮註疏十本

大禮集議四本

大禮纂要二本

朝祭服圖一本

忠靜冠服圖一本

四書大全二十本

易經大全二十本

詩經大全十二本

書經大全十本

春秋大全十八本

禮記大全十八本

性理大全三十本

以上俱在儒學今燬於兵

國朝

銓選則例

品級考

本官集卷之六  
賦役全書

學政全書

大清律

鄉約條例

卧碑

禮部

題奉

欽依刊立卧碑曉示生員

朝廷建立學校選取生員免其丁糧厚以廩膳設學  
院學道學官以教之各衙門以禮相待全要養  
成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者徃徃自殺其身常宜思省一生員不可干求官長交結勢要希圖進身若果

心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷  
鄉曲所作文字不許妄行刊刻違者聽提調官  
治罪

順治九年二月初九日

提學道叅議鍾性樸刊行

李侯功德碑

明吏部員外 宋應亨 撰

按輿圖登郡濱海而棲僻登南百餘里此極邊之邑  
蒞是邑者非得才兼文武知人善任等出萬全者亦  
難堪厥任惟我邑侯李公諱升吉號慶字雁門人也  
己巳冬剖符於棲仁而威惠而信下車未及期月會  
董寇猖亂我侯明耻教戰先聲褫魄而棲不爲害人  
皆曰我侯文吏也而嫻將畧矣且聰以知遠安不忘  
危逾明年庚午命鑄劍置石火噐弓矢無不備具延  
辛未冬有據登以叛者屠戮子姓慘不忍言復陷黃

陷招劫盜圍萊羽書不通奸細載道我侯秉義勇提三尺團鄉義兵不三日而有半萬計捐金調食人人樂戰相地調度各盡其險乃烏沙北寨立芝南封西寨班山東棧涼口遍築箭牌週城陷坑晝則烽火浮空夜則刁斗驚肅借著儒生叅謀寅僚何暇擲沐未經解甲聞萊陽告急卽整兵救援而萊城纔不致破六月七月賊兩攻我棲城我侯披堅執銳舉旆左麾左伏進兵舉旆右麾右伏進奇城頭火噐飛空矢石交下禱神輒應風伯效霧一時素練精勇各呈其雄

順風一呼敵竟披靡僵僕相枕遍我城濠綠野三晝夜之攻圍不能當我君侯之一戰迨八月而官兵至登因敵半載兀軍中所需若豆若芻如繩如鐵我侯匹馬逐戶冒寒親督至若風雪城頭枕戈九月間關豁澗屈指一週此尤人所最苦而難者也守禦功成後我侯不忍掩人之功於共武之士紳則慰勞上奏之於効死之義勇則豐犒而優恤之於陣亡之忠魂則設醮而追薦之猗歟功業豈不偉哉蒞棲四載噓以和風潤以甘雨修文不忘備武撫字寓於催科真

牧民之循吏治戎之良將吾儕孤城不失得遂生全  
皆我侯之再造也我侯功不宜民用是勒之於石佐  
之者有賢尉王君諱經國海澄人並與有力焉是爲  
記昔崇禎六年歲次癸酉秋八月吉日

修城記

署教諭孟 吳 撰  
事舉人

棲震初未始有城壘土而城迨嘉靖戊午倭寇泛海  
士民皇悸邑侯李公玠焉雉以石堞以磚圍四百三  
十六丈高二丈八尺若圖其家政期爲不可搖之業  
然內附未完公以事去嗣是惟補葺已爾越萬曆丁  
丑登倅宋公視篆閱月城樓窩舖翼翼山峙矣緒令  
範公單車隨至乃按行嘆曰城無內附竊思其復於  
隍也已遂命工伐石役用舊編料用罰鍰高圍石壘  
咸如外城幕陳公董之戊寅二月事竣堅厚墻廣直

與翠屏白洋映帶而縈迴且縣治前居民擁迫不異  
面墻公捐俸易之開街一衢樹坊一座題曰毓秀其  
迓祥視遠若啟牖排軒以觀日月之光於戲厥功偉  
矣可泯泯已耶諸鄉彥及林生彥郝生靖王生之垣  
等懇余記余惟洛邑之營始之召公使攻位而五日  
位成成之周公命殷庶而殷庶丕作何者民之攸暨  
悅之真也茲城也李公首事於創始宋公續事於暫  
署鮑公成事於初蒞而民心後先如一豈偶然哉李  
公之遺愛長遠矣宋公俄傾之化藹若春膏而鮑公

理諸公之緒孜孜秩秩惠無疵政嚴無峻刑上下融  
融安堵庶幾哉周召誠成保民之意乎由斯地利人  
和相爲固結後之循良必追然動悅民之思而霞城  
太平百千萬億無窮極公其乎先之績哉時相鮑公  
以治者則縣丞黃公主簿李公敬併書之以垂不朽  
宋公諱守孟長治人李公諱揆銅梁人鮑公諱霖青  
陽人黃公諱茂梯儀真人李公諱蒙訓河曲人陳公  
諱法合肥人

建廟學記

金李純甫撰

登之樓霞瀕海之壖阜昌初薙荆榛而縣焉地屬齊  
有秦漢之遺風故其人尚鬼道近世又以丘劉之說  
符蜂團蟻結雲鼓波湧駕飛甍連巨棟塗金鏤碧其  
費不貲蓋與紫微之宮瀟陽之殿相兄弟羽衣緇冠  
之黨遐想蓬萊方丈隱隱在目睨間亦天下之奇觀  
也獨章甫縫掖之士呻吟於華門龜牖之下茫無歸  
宿之地絃歌之音圓而寂然則素王之道幾何其不  
胥而爲黃冠之所淄耶卽今天子嗣位之元年有縣

宰李公景道故河中府君景韓之季也下車將祀先  
師更曰無廟當奠牲帛於廳事公大愕經營之志油  
然蒂於胷次矣會士庶以興學請公欣然許之第以  
城邑窘隘未拓其址一川巡檢魏伯樞牒來解西有  
隙地請舍諸公廨於州太史木甲公曰可主簿趙守  
真尉蒲察張竒實贊成之各捐廩粟以助費不徒而  
役不賦而征陶者瓦斲者斤鍛者火丁丁甍甍版土  
旣封殿於其中翼以列廡繚以崇甍厨以西齋於東  
辰在舍而載火西流而畢輪焉奐焉泥沉乎新宮矣

繪塑之功曲肅其巧俎豆之器一鼓而成自是扼腕  
之方士知仁義之學垂髫之小兒有揖讓之風其褒  
衣博帶者將戔戔而來洋洋乎聞雅頌之聲於落成  
之際會公被檄有京師之行屬其同年交李純甫志  
純甫牢辭不可遂折簡於棲霞之士曰儒者之言與  
方氏之說不兩立久矣請以近喻諸君嘗見夫海乎  
汪洋澄渟浩無涯涘際空如碧白波不興魚龍鴻洞  
不水其水此儒者之所謂日用而不知者隱然而風  
雷震劃然而蛟龍鳴非不砰轟可喜大抵索隱行恠

君子不為彼方士之所慕吾儒之所羞也山東賢士  
大夫觀水於其瀾必有能辨之者他日魁閔傑異之  
才飄然凌雲志氣穿天心出月脇騎蟾蜍斧桂樹通  
籍金馬待詔玉堂登瀛洲而仙去視方士之言如捕  
風逐影將一洗而空之庶幾不負吾兄之意則吾言  
尤信

重修廟學記

明登州衛進士戶部主事 吳國相 撰

李侯領聖天子休命出宰棲霞是邑也窮天之際極  
海之濱土壤斤於山麓民物習於桀鰲地之僻而習  
之陋也莫是為最李侯大有懼色君子慰之曰道之  
行也不以地之僻而自阻也不以風之陋而自墮也  
存乎其自新而已耳李侯至邑傳稽政典果愜前聞  
作而嘆曰斯民也三代之遺也可如是乎越三日瞻  
禮孔廟見其宮墻圯蕪齋宇淪廢器數淆雜衢巷蔽  
翳作而嘆曰治之敝也其在是乎其教化之無地而

後又之未儲乎蒞政之初百務不遑首舉斯典懇懇以作新文教爲已任掄材勸工稽程考費三月之後百度告成煥然明備不復向昔之陋矣是故隆敬一亭於後端尊時制也建啟聖殿於左掖崇先德也疏名宦於東祠景前哲也齒鄉賢於西楹敦文獻也考禮樂之器糾廩餼之頒時講誦之期懲游好之習優徭賦之差鼓振勵之氣一時士類反薄歸厚熙熙然三代之英也斐然成章矣於戲李侯之治其知重本歟事竣師儒徵記於相相不敏敢不颺言以修一時

之盛竊惟天地之道不飭而成化聖人之教不飭而成教李侯之作新文教無非謂造化聖道之精必久而後顯耶夫樸者道之實也文者道之華也誠慤以崇其質物采以貢其章合內外之道也世之求治者吾惑焉以簡僻爲迂老以惰慢爲率真以振揚爲激烈以勵精爲繁擾因循舊做徒俟遷秩於治化之本少不垂意嗚呼文質彬彬孔子猶美周制而從之故武城喜絃歌之雅宮墻歎富美之觀皆以治不可以終陋而道之顯也存乎其文而已不然堯舜禹湯文

武周公曰濬哲文明曰懋昭日新曰於穆丕顯非是  
道與愚於是而益信李侯之作新文教誠知治之本  
而得道之要矣雖然作新之機有二道焉曰新民曰  
自新李侯其兼而有之矣是故恤困窮抑強暴懲游  
惰勸催科節支度振兵旅嚴城堞李侯於是不徒專  
於文焉而已也愚蓬萊逸人也聿觀厥成慶吾道之  
維新也用是以勗多士其無負我侯作成文教之意  
亦以仰副我聖治作人求賢之化亦無徒專於文焉  
而已也侯名揆四川銅梁人登嘉靖丁酉鄉薦壬始  
於嘉靖三十七年三月落成於本年十月記之日則  
次年三月也

尊經閣銘

元翰林學士張啟巖撰

惟人與物同具此形物得其氣之偏人得其氣之靈  
曰靈伊何萬善是生一爲所見之或蔽則私欲馳騁  
而無極聖人出而是正敷天倫之叙昭垂乎六經所  
以爲百王之觀法爲萬世之儀型賢哉張公尹茲山  
城構傑閣於泮水揭尊經以爲名考其命名之本意  
信乎見道遠而燭理明想其文化流行洽於民情禮  
讓之風以興絃歌之聲日聽力行乎正途而不倦心  
醉乎至理而不醒日新又新之不已可不謂明德之

維馨若然則公之化斯民也庶幾三年之有成彼有  
術智能之末技聚黃金而滿籛斷喪本心之至善能  
不抱愧而過斯庭噫地開偃月樓高摘星在一時爲  
觀美曾不知遺千載之餘腥金山可傾閣不可傾金  
山可平基不可平壯吾道之元氣至萬世而崢嶸青  
青子矜於焉研精來遊來歌請觀斯銘

長春真人道行之銘

元翰林學士王之綱撰

扶桑賓日東海東三山直與蓬萊通羣仙來往乎其  
中長春仙人道業隆出世不與羣仙同雲衢矯矯如  
遊龍倏爾逕造崑崙峯重陽一見禮貌恭付真訣開  
愚聵潛德上聞達帝聰安車就徵示尊崇慶會千載  
不易逢萬里入觀天九重敷陳至道皆由衷默叅化  
育存神功帝謂天錫吾仙翁一時寵眷恩數濃王章  
覆護猶憐懷浩然而歸何匆匆奔走請謁來王公天  
長入主修廢宮清明肇起元教宗無心橐籥猶守中

殆非人力由天工四方學者如雲從智愚賢否皆陶  
鎔藩籬那肯分渠僕雷雨一夕騰虛壘山摧澤涸頂  
吉凶世緣八十談笑中後人嗣教追芳蹤縣縣若存  
久益豐瑤章藥笈今擴充故山之陽白雲封有時猿  
鶴悲秋風亭亭貞石新磨礪樹之祠倚伴岩松松枯  
石爛海水紅仙名不朽垂無窮

邑乘序

明知縣 何思鰲

邑之有志關涉吏治匪淺鮮也由今上論居邇逃稽  
因地而宜順民而使則一開卷益耳顧棲不足徵也  
可奈何余故亟亟購遺書采故實意且經始有王生  
之垣手一編以進曰棲霞志藁叩所自曰嘉靖間諭  
周君澍嘗率太學生王誥集焉嗣是訓任君傑又嘗  
率諸生王瑤于鯉林繩武郝察續焉惜未成書遂塵  
家壁此一特乎其可興也已余喜竟所讀則萬曆已  
卯而上文多闕事復歲異而月不同且致疑王氏一

家言也屬博士先生羅君綱嚴君三策仍率之垣等  
拾遺而核實閱數月授余全書余始得以山簿之餘  
膏宵之力稍稍贊一詞舛者易之當者因之蕪者芟  
之漏者益之間綴數言漫攄一得是可以志乎久汗  
懾不敢出擬藏拙也會督學李公徵志諸郡邑下令  
昔卽無今必有余又不敢不出噫歎今郡邑志卽古  
所謂方書志都邑簿風土記之流皆史之別也譚何  
容易哉余旣乏四聰又匪三長其何能詳詳畧畧而  
斐然成章乃以當作者則謂之何第曰不有草創潤  
色焉施令他日東里君子提槩而來燃藜一校腫史  
成而文足徵也余不得爲裨諶耶儻庶幾矣萬曆辛  
卯莫春上瀚之吉書於水蘗堂中

邑乘序

明邑人 牟道行

縣志本自王氏家抄成於何老師手筆考訂濶色雖因實創也自里社戶口錢穀山川景物宦縉節義王言藝林凡關盛衰繫休戚昭法戒者靡不備載有論有斷有傳種種皆肝膈語蓋吾師家視邑而子視民故舉棲之情形宛然在目爰是上之督學大司馬李老師稱之曰是必能爲棲霞者梓而弗就迄無所成歲庚戌不穀宰宜陽始謀歸德別駕姪鉦共梓成書遂與職方輿圖諸誌林相輝映俾吾棲不至史失而

求諸野師之手澤由以不朽予師弟兩人相成之誼亦藉是以不朽矣敬述巔末期與斯志而共徵之不穀甫遊庠後生新進落落未有奇也師課藝諸生覽蝸技而咤以爲最且以爲相見之晚也蓋鼠而朴之燕石而珍懷之曠然馳騁黃牝牡之觀矣辛卯不穀試秋闈遂竽多士網鴛馬獲闖天閑敢矜逸足而吾師一顧之惠渥於孫陽所當在三戴之者然鴛駘無能更步以貽吾師羞牝驪之觀不猶虛望耶惟是志之梓有以竟師之未竟倘異日父母吾棲者咸心吾

師之心棲之縉紳士義夫節婦聞吾師之誌棲者觀感興起則師之不朽當何如不穀亦少答在三之誼而異日者亦知吾與師始終相成之誼如此則固有所謂不朽者已昌黎氏有言曰莫爲之前雖美弗彰莫爲之後雖盛弗傳茲於斯言庶幾焉師之長公諱如申官大叅次公諱如寵官諭德列巍躋膺行將大揚其道於天下萬世倘欲採先武過化之神以廣家乘則斯固其印證也又微獨志吾棲云爾故謹述其槩以志諸不朽如此若夫頌揚篆藻表揭瓊華則有

諸公祖之簡章及諸名公之彤管具在余不穀何多  
贅為萬曆壬子中秋之吉

邑乘跋

明邑庠生王之垣

垣家世懸治二百餘祀未聞棲有志嘉靖丙午先君  
伯泉翁誥曰郡邑志所為存往迪後也吾邑獨無何  
以徵觀化謀於學諭羅源周師澍共輯之採往蹟於  
耆宿拾遺文於斷碑分席校讐不越月而脫稿以力  
誠未梓家藏之俟勤政者追戊午先君謝世川中李  
父母揆令是邑之明年購之垣家示學訓任師傑率  
弟子先仲父季泉翁謠變區于公鯉麓泉馬公時正  
忠軒林公繩武他山郝公潔等相與重訂甫成李父

母以事去年復一年真本傳落僅存草耳萬曆己卯  
青陽鮑父母索之校中出之以應垣時值內艱受命  
考正蓋是書始自先君漸及湮沒今日之命固所願  
也勉以讀禮之餘詳加更定乃亦未就而鮑父母以  
事去幸古桐何父母露穎茲邑公餘取垣所存稿親  
乘筆削潤色事辭類標數語條綴一斷該而理簡而  
文無能增減一字翼工付剞劂未果至萬曆庚戌棲  
志始成兆可牟公時筮仕宜陽暨乃姪靜甫時判歸  
德相與梓之蓋聞不朽事三立德立言立功何父母

下車以來綏窮懷竄威猥煦良服無楮歲無禳德功  
懋矣維是一編數十年間諸君子之手凡幾更而竟  
成於此日立言固有待乎其於不朽蓋兼之矣不肖  
垣亦何幸傲何父母暨牟公惠使克畢生平未畢之  
志且以藉手謝兩先人豈偶然哉不揣謏劣僭言末  
簡蓋亦重有感云萬曆壬子仲夏之吉書於坦蕩軒  
中

烈婦林氏墓表

明教周澍撰

嘉靖二十二年十一月三日烈婦卒謹按烈婦姓林  
係本縣荆芥社人年十六適邑人隋一龍妻匝歲一  
龍嬰疾危篤烈婦度不可起先期至母家訣曰今而  
後吾不復來矣毋駭其言因詒曰夫或不起則寡婦  
也寡婦其復出乎初不疑其死也未幾一龍死邑俗  
屬纊時移廳事沐浴衣冠以俟氣絕明正寢也烈婦  
待夫命盡遂之臥內自經時喪事匆匆闔眷聚哭未  
遑更顧烈婦烈婦雖常有死殉之言而人亦不以爲

然也頃之解嚴失烈婦所在恠之索之臥內而烈婦  
死矣嗚呼死生亦大矣人有一髮之利尚眷眷不忍  
舍豈有頓捐生而不恤者哉太史公謂死有重於太  
山有輕於鴻毛夫人孰不歿惟夫決性命之情而失  
義理之正故有當歿而避苟偷視息者矣若夫豫定  
於疇昔之事慷慨於須臾之際如烈婦者豈可觀一  
二於千載哉烈婦以粉黛笄禕之人非有詩書之啟  
發師友之漸磨而義烈出於天性若素教然世之讀  
書窮理稱名儒者一旦臨死生禍變之際逡巡顧忌  
若不忍舍及事機一失大節頓墮抱愧終身後雖欲  
死亦無及矣視烈婦寧不深可汗顏也哉

烈婦呂氏傳

署登學教  
授進士 邵士梅 撰

氏家於山左之棲邑父名甲字海臣別字痴人邑學生也母藥氏邑故家鳳洲公之伯女歲甲申春二月藥氏夢神人貽仙桃一枚吞之覺以其兆語夫夫占得兌之上爻曰此女象也藥氏遂娠於是年十一月朔三日巳時產一女因以其占之卦名各焉是氏之始生固有大異乎人者矣後復舉二子一名大呂一名仲呂皆氏之同母弟也氏生六歲卽諸女紅九歲氏父乃許字於邑庠生劉焜之子坦爲室坦少氏二

歲歲甲午氏毋藥氏卒氏父乃寄其子女於鳳洲公之家而入勞山肄業氏同其兩弟依外祖父母而居其事外祖父母如其父母然以故得外祖父母歡嘗語人曰有甥如此吾女可以安然於九原矣越明年乙未氏父復娶邑之故家衣氏爲妻是氏之繼母也氏事之夙夜匪懈下氣怡聲衣氏稱其孝而氏慎終如始未敢以孝自居父因性情中正每取烈女傳教之氏皆能記誦且不忘自是之後非刺繡則誦讀未嘗一日或弛女訓也卽刺繡之中亦有異乎人者夫

約於花則喜刺菊曰取其貞也喜刺蓮曰取其潔也喜刺梅曰取其寒而能馨也於鳥則喜刺鴛曰取其定偶而不亂也最厭琵琶曰樂此豈正音乎厭對再醮婦曰此等人尚有面目見人乎及辛丑之歲棲邑盜起烽火無息時氏且十八歲矣父念其于歸愆期於冬十二月除日草備粧奩而嫁於劉氏焉結褵未幾適舅姑有招遠之役氏從其夫同往雖流離困苦其執婦道惟謹亦可知氏之間視勤而室家宜也無何於壬寅之夏四月而夫病矣氏勉進湯藥寢食靡

寔晝夜不解衣帶者三十餘日再逾月而夫之病且篤矣夫病危語氏曰我不能保其生善事後人氏泣對曰君何言乎詩云忍着至人衣爲人作春妍倘旻天不吊君死我且以身殉矣敢有二念遂不食三日至五月十七日酉時夫死氏仰天大哭悲痛幾絕鄰婦某氏趨往救之方甦氏怒曰子救我乎害我也某氏曰子適劉無出年在齠齡何自苦乃爾氏曰生爲劉氏人死爲劉氏鬼理宜然也人有百歲不死者乎從夫地下吾願足矣又何憾焉某氏因他往氏乃解帶自經於夫側是時乃本日之戌刻也次日父往吊之曰兒兮兒兮爾果死耶善可謂有女矣鄉鄰聞之皆曰此奇節不可沒也遂以其事聞於上云

烈婦柳氏傳

邑人 李唐裔 撰

柳烈婦者本縣白馬社柳長生之女邑生員高朝舉  
次男庠生高灝之繼妻也灝初娶程氏生子甫五歲  
而程卒繼聘柳氏氏幼孤撫養於外祖生員馮胤祚  
家貞慤性成能曉大義十六歲歸灝為繼室灝有痼  
疾柳侍湯藥久無懈色微見不悅則和顏受笞以釋  
其怒灝且歿曰我病久良苦汝異日他適幸勿怨柳  
曰夫婦同體德怨安從生君善保重勿以妾為念妾  
志已定恨不能為君養幼子耳灝默然未幾而氣絕

柳辦理棺殮至痛無淚遂於夫歿之第三日縊於柩  
側嫁九月侍病八月年十七君子謂柳氏潔正誠信  
果於就義詩曰德音莫遠及爾同歿柳氏之謂也贊  
曰柳氏節義徇烈矢志夫方就殮赴之不貳誠信勇  
敢必死無避君子美之以風晚季

古風

浴溫泉

明知縣何思鰲

嶙峋艾山麓小有通靈津流出雲开坼湯湯尤不倫  
煮石沸瓊珠煙靄浮荆榛穿沃䟽埒間方池面面勻  
夜襍解沉疴相傳捷有神所以沂上人來往無冬春  
我正苦煩溽一浴蘭芳新頓覺澤肌理還能湛天真  
德水自希蓮空懷淨土因君不見巢父洗心非洗耳  
孺子濯清惟濯塵山中俱是振衣者出門恐已受汶

汶

遊濟都宮

明萊陽知縣左思忠

仙葩銷炎燠微凉生層闕披襟受松風伏檻延山月  
半夜白鶴鳴何處玉簫發卽是羲皇心飄然物可忽  
清露沾衣裳不知何漸沒

步前韻

明邑人林翰邦

朝林翰邦遊濟都宮詩  
來聽道士琴步入神仙闕夕日落下山好風吹上月  
坐久塵慮忘酒闌豪興發真道自幽深世人何倏忽  
白鶴大如人窗間出復沒

步前韻

明邑人牟道行

縱步踏層芬從倚元都闕悠然凌天風緝矣餐林月  
眼空大千塵浩興乘虛發青紫豈云真黃白詎容忽  
甚破利名關浮雲多出沒

步前韻

邑人郝晉

秋半携筇遊拂蘿入貝闕楓丹綴晚霞竹瘦生涼月  
鳥向樹頭鳴山從雲外發玉池吊遺踪滄桑何飄忽  
羽客方談元隔林村火沒

五言絕句

誠語 四首

元丘處機

世情無斷滅法界有消磨好惡榮心曲漂淪奈爾何

又

有物先天貴無名自不生人心常隱伏法界任縱橫

又

雜亂朝還暮輕狂古到今空萃空寂念若有若無心

又

狗物雙眸眩勞生四大窮世間渾是假心上不知空

春日望翠屏 十首

何思齋

翠屏何崔巍蒼蒼饒春色小窗相對開山樹屋頭仄

又

翠屏何崔巍城郭藉其下流霞出洞頻殘瓦落庭樹

又

翠屏何崔巍隔窗送明媚謝眺有餘青不數東山展

又

翠屏何崔巍界天亘千尺白鳥度林巒劃破一山碧

又

翠屏何崔巍上有桑麻頃野老鋤白雲彷彿非人境

又

翠屏何崔巍牛羊下山夕牧子隱豈林歌聲遞前席

又

翠屏何崔巍雲嶺踏青破日暮未歸誰高枕石頭卧

又

翠屏何崔巍不雨嵐煙濕清光欲照人排闥直深入

又

翠屏何崔巍佳氣抱林麓好風吹下山應遍迓亡屋

又

翠屏何崔巍苔封舊遊跡藉開山下人誰是半公石

步前韻

十首

半道行

翠屏何崔巍萋萋芳草色風傳衆壑喧煙籠一徑仄

又

翠屏何崔巍雲光射上下排闥度雙青返照入高樹

又

翠屏何崔巍遠岫露光媚倚杖嘯長林穿雲著蠟屐

又

翠屏何崔巍凌霄看咫尺振衣御風輕天光萬頃碧

又

翠屏何崔巍白雲三萬頃物外絕紅塵疑是蓬萊境

又

翠屏何崔巍殘照夕陽夕片月飛長空虛明當檻席

又

翠屏何崔巍屐印苔文破捫蘿藉綠茵欲倚崖扉卧

又

翠屏何崔巍嵐重沾衣濕勝具濟遊情紆迴磴道入

又

翠屏何處巍霽色滿山麓霏微雲氣橫噴吐比王屋

又

翠屏何處巍念故成陳跡仰止峴山情泪灑嶙峋石

七言絕句

浴溫泉偶感

唐太宗妃 王 氏

滄海隆冬也異常小池何事滾如湯溶溶一脉流今古不為人間洗冷腸

按部過棲霞

元康 西道 徐漢臣

天外青山山外天澗邊茅舍舍邊田農家自得耕鋤樂飽翫白雲共紫煙

過棲霞

元東 西道 王君實

蓬萊南境是棲霞近水依山數百家風俗若能存古

意武陵誰去覓桃花

棲霞道中

文翔鳳

兩臥焯炊就此間松濤檜韻不曾關  
潛龍過澗還疑客語鳥安林自選山

浴溫泉

何思鰲

碧沼虛涵一鑑清潺潺湧出夜珠明  
緇衣不染紅塵色徒倚滄浪咏濯纓

題艾山

明兵錢勗

三疊嶙峋筆架攢中峯特起出雲端  
登州嶺嶠多如

簇惟有茲山獨好看

望翠屏山

郝晉

一聽驪歌泪欲斑危岑幾度水聲潺  
忙趨不是為中熱只乞山中雲半閒

五言律

詠棲霞 十首

金令 李 惠

瀟灑棲霞縣週圍幾百家人淳無寇盜地窄少桑麻  
古道依山險孤城傍水斜時平省公事日上未參衙

又

瀟灑棲霞縣羣山擁石城屋頭千仞聳林表數峯橫  
煙靄侵衣潤嵐光照眼明微官養疎拙多病也身輕

又

瀟灑棲霞縣山荒遠驛塵休言君處僻幸免送迎頻

海近魚蝦廣泉井酒醴醇長林堪憇息咫尺對城闔

又

瀟灑棲霞縣區分十五都耕耘田瘠鹵負載路崎嶇  
蠶老攔街簇牛稀合戶租民淳質更美珥筆莫相誣

又

瀟灑棲霞縣村墟一望遙地偏踈客旅山近足薪樵  
夏半天微雨春深雪未消年豐人樂業處處起歌謠

又

瀟灑棲霞縣山高茂樹重煙嵐凝紫翠花草亂青紅

幽壑驚湍瀉巖崖細路通登臨須盡日醉耳愛松風

又

瀟灑棲霞縣巉巖仰艾山排空青靛黠到景水灣環  
雪霽堆雲浪雲收擁翠鬟誰能卸塵網個裡一生閒

又

瀟灑棲霞縣金山古道場花鬢崇帝釋碑刻紀開皇  
地僻煙塵遠庭空檜栢香老僧欣客至汲水薦松簧

又

瀟灑棲霞縣靈宮蔽太虛壇場天地府松竹道人廬

一點無塵跡千函有藏書何當叩真寂重整舊藍輿

又

瀟灑棲霞縣幽深吏隱堂門庭終日靜花木四時香  
枉笏吟清律推琴睡思長人生安樂耳何處問仙鄉

省耕

知縣 盧 信

二月饒春色千般媚玉鞭名花香折露高樹綠浮煙  
鳥影拂山障鶯聲雜野絃乘時省農事不為賞心便

遊濱都宮

明牟道立

藜杖星霜護逍遙趣自濃河陰開荇藻天半落芙蓉

靈境多佳况名山有異蹤長春知不遠仙侶可相從

謁長春像

何應鰲

長春不可見遺像挹清輝霧谷椒圖齋於門塵尾揮  
蒼茵敷石坐山鳥厭人飛忽作千年想緬懷丁令威

謁長春像

明牟道立

扶筇開罨翠存息合幽栖鍊藥採金笥朝天析玉圭  
竈燃疑紫氣路迥濕青泥為問長生訣塵根豈自違

艾山

郝 晉

攀躋來天上逢僧意更幽層峰環翠壁曲水漾珠流

易韻鐘聲合嵐光樹色浮望中諸品淨似向鏡臺遊

七言律

懋濱都官

何思鰲

元貞制作孤覺在學士文章片石留還是兩朝三聘  
地如何千樹一時秋望中獨有吳門馬雲外空招秦  
谷牛贏得浮生間半日數聲清磬共悠悠

登聖水菴

何思鰲

掬水尋香入翠微隔林浮度午鐘希路攀危磴蒼茵  
滑泉劈輕煙白練飛澗道細看梳石髮雨聲驚聽擊  
雲扉經營却羨如神漢我欲飢甌坐不歸

登聖水菴

牟道行

紆迳崔巍路更深支離鶴骨便登臨雲埋大陸空  
洞鍾逗虛堂遠石林雨濺珠光齊拂面晴飛素練獨  
清心瀟瀟袖底驚回首欲覓仙源不可尋

溫泉浴罷登覽

翰林王言

天削芙蓉倚太空紫霞遙護翠微宮仙臺彷彿遺丹  
火古寺依稀辨法鐘石磴漫攀忘力怯雲峯欲度幸  
躬逢馮高極目驚秋晚四野踈林入壑中

金山入景

八首 郝晉

其一 翠屏出雲 山頂  
有窩將雨則雲生

天門疊嶂芙蓉連上有靈窩吐似煙纔見氤氳迷翠  
樹忽然變黓匪青天莫誇楚岫從龍起爭看蒼梧翼  
鳳翻無俟崇朝滄世愜遍成霖雨灑桑田

其二 艾麓溫泉

石竇 元津一鑑開氤氳紫氣籠珠胎光涵素魄金波  
靜暖浸冰姿玉影回洗去煙嵐獨漱灑濯來星斗共  
徘徊幾番倚徙瑤池側移取清輝入酒杯

其三 長春仙井

仙子成仙去不還空留仙井海東邊  
檻殘時作雷聲轉砌古每多紫氣連  
數仞厥虛能注海一泓澄碧可藏天  
更聞異事駭人聽有類荒唐未盡傳

其四 岨嶠金牛

孤峯突兀勢凌蒼洞有金牛宛服箱色  
出荆楊多爍爛精分麗水自輝煌藏深  
不向桃林牧光迥仍懸斗宿旁久已傳  
聞未許見令人空憶五丁忙

其五

城頭朝霞 旭日將升每有霞光盤旋因以名縣

翼峯迴抱彈丸地每到凌晨瑞色盈  
方似錦文機未

織旋如紅綃縷初橫不隨孤鶩散  
滕閣應逐仙衣爍偃城想是崙山分  
赤水圍城靈氣復蒼生

其六

方山晚市

人傳海蜃結成市不意此山市亦同  
幾處旆旌捲日月數層樓閣倚崆峒  
忽然景物疊青嶂倏爾滄桑逐去風  
若是坡公得一見賦詩不在海雲東

其七 龍石印跡

躍鯉池邊草色茸在田片石寫飛龍  
爪牙猶挾風雷勢鱗甲常滋霖雨容  
可使葉公開畫筆擬同費子投

長官集志 卷之八  
跋筇雖然歲月已更久仍自生雲護碧跡

其八 虎洞斑文

虎子多年已去山至今遺洞在山間松聲抵壑如聞  
嘯霞彩橫天擬窺斑滿腹殘煙深藹藹倚空峭壁色  
殷殷尋常莫道石文剥談到雄威便改顏

論曰文者貫道之器也而邑志所登與居平言  
文者有辨有棲以來墨卿哲匠代不乏人含英  
吐華均成鴻寶顧邑事不相關涉雖摘藻颺音  
風教無與焉故何侯有言大哉王言志不倍也  
洋洋乎聖人之言志畏也識廢興者足以觀旌  
賢烈者足以勸歌風而諷俗者足以興采風藝  
苑其亦垂世立教之意歟若乃旁搜遠攬勒爲  
大觀以備著述而光簡策則嗣修之責端有賴  
於博物君子矣

棲霞縣志卷之八終

棲霞縣志跋

邑侯胡公畿輔名傑也

奉

上簡擢蒞治於棲甫下車

跋

即有志於治天下之

大端先徵境內圖籍

或以殘缺對矣慨然

曰邑無志往蹟奚稽

且不習爲吏跡已成

事志固官方寓焉非

司民牧者之責乎迨

治歷八稔其於山川

賦役人物風俗知之

咸悉廼博采群言

蒐往帙爲此邦文獻

作不朽計既成屬余

言以附後余竊謂郡

志有志方諸古列國

文無二乃自總志通

志郡志而外屬邑每

自志之各成一家言  
豈不臣省郡第挈其  
大者纖細曲折彙括  
不遺莫詳於邑邑之

志可少缺歟雖然難  
言矣勉進類有作者  
體裁人人殊總不離  
乎核寔傳信足垂不

朽者爲當俟識曠達

深遠雅負史才而又

集邑之紳士商確而

共訂焉余取其書讀

之大都不尚張大筆

削唯詳筆削詳吾知

其體必嚴不尚張大

吾知其詞必謹文直

事核稽肆闡幽誠信  
史也夫舉一邑將墜  
之曠典一旦續而新  
之燦然布諸方策俾

後之考政學禮者欲

定古今綜名寔無鉅

細隱顯咸在目前則

賢侯文教之功何可

誣也余休養林泉久  
疎翰墨快觀斯舉而  
喜侯之爲樓計者深  
也於是予書

昔

龍飛康熙壬子孟冬之吉  
賜進士原任清水縣知縣  
邑人孫鏡仙宮父撰

三



